

«SREDAZSVETMETENERGO»
АЖ Акциядорларнинг
Умумий мажлиси № 28
25.12 2014 йил
Кузатув Кенгаши раиси
Абсаматов Ю.А.

**«SREDAZSVETMETENERGO»
АКЦИЯДОРЛИК ЖАМИЯТИНИНГ УСТАВИ
(янги тахрир)**

1-боб

ЖАМИЯТНИНГ НОМИ, МАНЗИЛИ ЖАМИЯТНИНГ ХУҚУҚИЙ МАҚОМИ

1.1 Жамиятнинг тўлиқ фирмали номи:

- Давлат тилида — «SREDAZSVETMETENERGO» Aksiyadorlik jamiyati;
- Рус тилида — Акционерное общество «СРЕДАЗЦВЕТМЕТЭНЕРГО»;
- Инглиз тилида — «SREDAZSVETMETENERGO» Joint-Stock Company;
- Жамиятнинг қисқартирилган фирмали номи:
- Давлат тилида — «SREDAZSVETMETENERGO» AJ;
- Рус тилида — АО «СРЕДАЗЦВЕТМЕТЭНЕРГО»;
- Инглиз тилида — «SREDAZSVETMETENERGO»

1.2 Жамиятнинг ҳуқуқий ўрнаштирилган ва почтага оид манзили: Ўзбекистон Республикаси, Тошкент шаҳри, М.Уйғур кўчаси 314. Почтага оид шартли рақами 1
Электрон манзил: www.energomet.uz, energomet.uz@mail.ru.

1.3 Бундан буен «Жамият» деб аталувчи «SREDAZSVETMETENERGO» очик Акциядорлик жамияти Ўзбекистон Республикаси Давлат мулкани бошқариш кумитаси (Давмулккумита)нинг 1994 йил 19 майдаги № 296 К-ПО сонли «Уртаосиёрангметэнергия» ихтисослаштирилган трести ижарачилар ташкилотини очик Акциядорлик жамиятига айлантириш ҳақидаги буйруғига мувофиқ ва Давмулккумитанинг 1996 йил 17.06 даги № 414-К-ПО сонли «Давмулккумита»нинг 1994 йил 19.05даги № 296К-ПО сонли буйруғига ўзгартиришлар киритиш ҳақидаги» буйруғига биноан тузилган.

1.4 Ушбу янги тахрирдаги Устав қабул қилиниши билан очик акциядорлик жамияти «SREDAZSVETMETENERGO» номи ўзгартирилиб «SREDAZSVETMETENERGO» акциядорлик жамияти деб юритилади.

1.5 Жамият ҳуқуқий шахс ҳисобланиб, ўз фаолиятини Ўзбекистон Республикасининг амалдаги қонунларига ва ушбу Уставга биноан амалга оширади.

1.6 Жамият ўзининг мустақил балансига, Ўзбекистон Республикаси ҳудудида ва унинг ташқарисида белгиланган тартибдаги ҳисоб-китоб рақамига, хорижий валютасига ва рақамларига (счётларига) эга, давлат тилида ўзининг тўлиқ фирмали номи ва ўрнашган жойи кўрсатилган думалоқ муҳрига, штампига эга. Муҳирда фирма номи бошқа тилда кўрсатилиши мумкин.

1.7 Жамият узининг уз номи курсатилган босма иш коғозига, мустақил аломатига, шунингдек, белгиланган тартибда руйхатдан утказилган товар белгисига ва бошқа юзаки бирхиллаштириш — узини танитиш белгиларига эгаллик қилиш ҳуқуқига эга.

1.8 Жамият давлат руйхатига олинган кундан эътиборан ҳуқуқий шахс ҳуқуқларини эга булади.

2-боб

ЖАМИЯТ ФАОЛИЯТИНИНГ МАҚСАДИ ВА ФАОЛИЯТ ТУРЛАРИ

2.1 Жамият фаолиятининг мақсади — Акциядорлар манфаатини таъминлаш учун фойда олишдан иборатдир.

2.2 Жамиятнинг фаолият сохалари куйидагилардан иборат:

- товар ишлаб чиқариш ҳамда уларни сотиш, корхоналар, ташкилотлар ва фуқаролар ишларини бажариб, уларга хизмат кўрсатиш;
- Ўзбекистон Республикаси қонунчилигига мувофиқ, ташқи иқтисодий фаолият олиб бориш;
- Саноат корхоналарининг, шу жумладан, Давшахтехназоратга тегишли ташкилотларнинг энергетик, электротехник ҳамда энергия технологик ускуналарни замонавийлаштириш, таъмирлаш. монтаж қилиш, созлаш ва лойihalаш;
- ўзининг фаолият сохаси бўйича корхоналарнинг, шунингдек, аҳолининг ускуна-жихозларига хизмат кўрсатиш;
- корхоналарга, шу жумладан, давшахтехнадзоратга тегишли ташкилотларга энергетик, электротехник ҳамда энергия технологик ускуналарни ва уларнинг захира қисмларини тайерлаб бериш;
- текширув-назорат қисмларини тадқиқ этиш ва тайёрлаб бериш;
- мулкларни ижарага бериш;
- жамиятнинг автотранспортида юк ва йуловчиларни ташиш, шу жумладан, халқаро йўналишларда;
- улгуржи савдо;
- экспорт-импорт операциялари;
- тегишли лицензия олгандан сўнг амалга ошириладиган, лицензияланадиган фаолият турлари.

3-боб

АКЦИЯДОРЛИК ЖАМИЯТИ ИШТИРОКЧИЛАРИ УСТАВ ФОНДИНИНГ МИҚДОРИ

3.1 Ўзбекистон Республикаси қонунчилигида ҳамда ушбу Уставда белгиланган тартибда акцияларни қўлга киритган жисмоний ва ҳуқуқий шахслар, жумладан бошқа давлатларнинг фуқаролари жамиятнинг иштирокчилари булишлари мумкин.

3.2 Акциядорлик жамиятининг акцияларига обуна бўлган ёки уларни қўлга киритгандан сўнг, жамиятнинг ҳар бир иштирокчиси ушбу Уставдан келиб чиққан ҳолда тегишли ҳуқуқ ва мажбуриятларга эга бўлади ва келгусида «Акциядор» деб аталади.

3.3 Акциялар тўлови хисобидаги бадаллардан, хўжалик фаолият и натижасида жамият томонидан ишлаб чиқарилган маҳсулотлардан, олинган даромадлардан, шунингдек Ўзбекистон Республикаси қонунчилигида йўл қўйилган бошқа асосларда қўлга киритилган мулклардан жамият мулки ташкил этилади.

3.4 Акциядорлар томонидан қўлга киритилган жамият акцияларининг номинал қийматидан жамиятнинг Устав фонди тузилади. Жамият томонидан чиқарилган барча акцияларнинг номинал қиймати бир хил булиши лозим.

3.5 Жамиятнинг Устав жамғармаси унинг кредиторлари манфаатини кафолатлайдиган жамият мулкининг энг кам қийматини аниқлайди.

3.6 Оддий акциялар билан бир қаторда жамият имтиёзли акцияларни ҳам жойлаштиради, уларнинг умумий қиймати жамият Устав фондининг ун фоизидан ошмаслиги лозим. Ушбу Уставга кура, Кузатов Кенгаши томонидан тасдиқлангач, имтиёзли акциялар Акциядорнинг розилиги (ихтиёри) билан оддий акцияларга алмаштирилиши мумкин.

3.7 Устав жамғармасининг қиймати 580.0000 (Беш юз саксон млн.) сўмни ёки 414 131,89 (Турт юз ўн тўрт минг бир юз ўттиз бир ва саксон тўққиз цент) АҚШ долларини ташкил этади ва номинал қиймати 2900 сўм булган 200 000 (икки юз минг) дона акцияларга тақсимланган. Устав жамғармасига кўра:

3.8 Акциялар ворислик бўйича, ваколатлар қабул қилиб олинадиган ҳуқуқий шахслар тартибида ҳамда бошқа асосларда қўлга киритилиши мумкин.

4-боб

УСТАВ ЖАМҒАРМАСИНИ ОШИРИШ ВА КАМАЙТИРИШ ТАРТИБИ

а) Устав жамғармасыни кўпайтириш:

4.1 Жамиятнинг Устав жамғармасы акциялар номинал қийматини ошириш ҳисобига ёки кўшимча акциялар жойлаштирилиши ҳисобига кўпайтирилиши мумкин.

4.2 Жамиятнинг Устав жамғармасыни унинг акциялари номинал қийматини ошириш ҳисобига кўпайтириш ҳақидаги қарор жамиятнинг Кузатув Кенгашида қабул қилинади.

4.3 Жамиятнинг Устав жамғармасыни кўшимча акциялар жойлаштириш ҳисобига кўпайтириш ҳақидаги қарор акционерларнинг умумий мажлисида қабул қилинади.

б) Устав жамғармасыни камайтириш:

4.4 Устав жамғармасы акциялар номинал қийматини камайтириш ҳисобига ёки унинг умумий сонини қисқартириш ҳисобига, шу жумладан, акцияларнинг маълум қисми жамият томонидан сотиб олиниб, кейинчалик улар нарҳини қоплаш йўлида камайтириш мумкин.

4.5 Устав жамғармасыни камайтириш ва жамият Уставига тегишли ўзгартиришлар киритиш ҳақидаги қарор акциядорларнинг умумий мажлисида қабул қилиниб, бунда фондни камайтириш сабаблари кўрсатилади ва камайтирилиш тартиби белгиланиб, бунда акциядорлар манфаатини муҳофазалаш шартларига риоя этилади.

5-боб

Чиқариладиган акцияларнинг турлари, уларнинг номинал қиймати, ҳар хил турдаги акцияларнинг узаро муносабати (нисбати).

5.1 Жамият қуйидаги турдаги акцияларни чиқаришни амалга оширади:

- номи ёзилган, оддий акциялар: 54050.200 сўм миқдорида, номинал қиймати 2 900 сўмдан, сони 188 638 дона;
- номланган имтиёзли акциялар: 949.800 сўм миқдорида, номинал қиймати 2 900 сўмдан 11 362 дона.

5.2 Акциялар тўловига бадалларни акциядорлар қуйидаги кўринишда амалга оширишлари мумкин:

- пул маблағларида (сўмда ва чет эл валютасида);
- мулкнинг турли кўринишларида;
- қиммат баҳо қоғозлар шаклида.

5.3 Имтиёзли акцияларнинг умумий қиймати Устав фондининг 5,68 % ини ташкил этади.

5.4 Бир акционердаги акциялар сони 35% дан ошмаслиги лозим; ундан юқори ҳаракат монополияга қарши кўмита руҳсатига кўра амалга оширилади.

5.5 Тугатилиш қийматининг имтиёзли акциялари 100% размерда номинал баҳоси бўйича белгиланади.

6-боб

Даромад (фойда)ни, дивидендларни тақсимлаш ва зарарларни қоплаш тартиби

6.1 Хўжалик фаолият и натижасида жамият томонидан олинган фойда амалдаги қонунчиликка биноан, солиқлар тўлангандан кейин жамият мулкига айлантдирилади ҳамда ушбу Уставга мувофиқ, ундан жамиятнинг фондини тузишга, акциялар бўйича дивидендлар тўлаш учун ишлатилади.

6.2 Солиқлардан, мажбурий тўловлардан, Акциядорлар ўртасида тақсимланадиган реинвестициядан кейинги Акциядорлик жамият ихтиёрида қоладиган фойданинг маълум қисми дивиденд ҳисобланади. Жамият эълон қилинган акцияларнинг ҳар бир тури бўйича дивидендлар тўлашга мажбурдир.

6.3 Акциядорлик жамияти умумий мажлисининг қарорига кўра, дивиденд пул маблағларн ёки туловнинг бошқа қонуний воситаларида туланиши мумкин.

Дивиденд Акциядорлар ўртасида, уларга тегишли акциялар сони ва турларига муносиб тарзда тақсимланади.

6.4 Жамият жойлаштирилган акциялар бўйича ҳар чоракда, ҳар ярим йилда еки йилда бир марта дивидендлар тўланиши ҳақида қарор қабул қилиш (эълон қилиш) ҳуқуқига эга.

6.5 Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра.

6.6 Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

6.7 Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади. Имтиёзли акциялар бўйича дивидендлар жамиятнинг бунинг учун махсус мўлжалланган фондлари ҳисобидан ҳам тўланиши мумкин.

6.8 Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган жамият акциядорларининг реестрида қайд этилган шахслар акциялар бўйича дивиденд олиш ҳуқуқига эга.

6.9 Дивидендларни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.

6.10 Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларнинг миқдори жамият кузатув кенгаши томонидан тавсия этилган миқдордан кўп бўлиши мумкин эмас. Акциядорларнинг умумий йиғилиши акцияларнинг муайян турлари бўйича дивидендлар тўламаслик тўғрисида, шунингдек жамият уставида дивиденд миқдори белгилаб қўйилган имтиёзли акциялар бўйича тўлиқ бўлмаган миқдорда дивидендлар тўлаш ҳақида қарор қабул қилишга ҳақли. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

6.11 Дивидендларни тўлаш чоғида биринчи навбатда имтиёзли акциялар бўйича, сўнгра оддий акциялар бўйича дивидендлар тўланади. Имтиёзли акциялар бўйича қатъий белгиланган дивидендларни тўлаш учун етарли миқдорда фойда мавжуд бўлган тақдирда жамият мазкур акцияларнинг эгаларига дивидендлар тўлашни рад этишга ҳақли эмас. Жамият рад этган тақдирда акциядорлар дивидендлар тўланишини суд тартибида талаб қилиши мумкин.

6.12 Жамият етарли миқдорда фойдага эга бўлмаган ёки зарар кўриб ишлаётган тақдирда, имтиёзли акциялар бўйича дивидендлар жамият томонидан жамиятнинг фақат шу мақсад учун ташкил этилган захира фонди ҳисобидан ва ушбу фонд доирасида тўланиши мумкин.

7-боб

Захира ва бошқа фондларни тузиш тартиби

7.1 Соф фойда ҳисобидан жамият томонидан қуйидаги фондлар тузилади:

- Захира фонди;
- Акциядорларнинг умумий мажлиси томонидан белгиланадиган, жамият фаолияти учун зарур булган бошқа фондлар (жамгармалар);

7.2 Бошқа маблағлар мавжуд бўлмаган тақдирда, жамиятнинг захира фонди жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини қайтариб сотиб олиш учун мўлжалланади.

7.3 Захира фонди Устав фондининг 25% миқдорида шакллантирилади.

7.4 Жамият захира фондига соф фойданинг 5% миқдорида хар йиллик чегирмалар ажратишни амалга ошириб, захира фонди ушбу Уставнинг 7.3. моддасида белгиланган миқдорга етгунга қадар амалга оширилади.

7.5 Захира фонди тўла ёки қисман сарф этилган ҳолатларда мажбурий чегирмалар ажратиш қайта йўлга қўйилади.

8-боб

Акциядорларнинг ҳуқуқ ва мажбуриятлари

8.1 Акциядорлар қуйидаги ҳуқуқларга эга:

- тегишли жамият акциядорларининг реестрига киритилиш;
- депозитарийдаги депо ҳисобварағидан ўзига тааллуқли кўчирма олиш;
- жамият фойдасининг бир қисмини дивидендлар тарзида олиш;
- жамият тугатилган тақдирда ўзларига тегишли улушга мувофиқ мол-мулкнинг бир қисмини олиш;
- акциядорларнинг умумий йиғилишларида овоз бериш орқали жамиятни бошқаришда иштирок этиш;
- жамиятнинг молия-хўжалик фаолияти натижалари тўғрисида тўлиқ ва ишончли — ахборотни белгиланган тартибда олиш;
- олган дивидендини эркин тасарруф этиш;
- қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
- ўзига етказилган зарарнинг ўрни қопланишини белгиланган тартибда талаб қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш ҳуқуқига эга.

8.1.1 Жойлаштирилган оддий жамият акцияларининг умумий миқдори 1% дан кам бўлмаган қисмига эгаллик қилувчи Акциядор (Акциядорлар) Кузатув Кенгаши аъзосига, ягона ижроия орган ва (бош директор)га даъво билан суд орқали мурожаат этиш ҳуқуқига эга.

8.1.2 Акциядорлар жамиятнинг ушбу Уставида ва амалдаги қонунчиликда кўрсатилган бошқа ҳуқуқларга ҳам эгадирлар.

8.2 Акциядорлар — оддий акция эгалари, қонунчиликда ва жамиятнинг ушбу Уставига биноан ўз ваколатлари доирасида барча масалалар бўйича Акциядорларнинг умумий мажлисида овоз бериш ҳуқуқи билан иштирок этиши мумкин; шунингдек, дивидендлар олиш ҳуқуқига, жамиятнинг тугатилишида эса, жамият мулкнинг маълум қисмини олиш ҳуқуқига эга.

8.3 Акциядорлар — жамиятнинг имтиёзли акциялари эгалари, Акциядорларнинг умумий мажлисида овоз бериш ҳуқуқига эга эмаслар.

8.4 Жамиятнинг бир турдаги имтиёзли акциялари Акциядорларга- унинг эгаларига бир хил ҳажмдаги ҳуқуқлар бериб, оддий Акциядорлар билан бир хил номинал қийматга эга.

8.5 Акциядорлар — имтиёзли акциялар эгалари, жамиятнинг қайта ташкил этилиши ва тугатилиши ҳақидаги масалалар ҳал этилишида овоз бериш ҳуқуқи билан Акциядорларнинг умумий мажлисида иштирок этадилар.

8.6 Акциядорлар-имтиёзли акциялар эгалари Акциядорларнинг умумий мажлисида иштирок этиб, ушбу Уставга ўзгартириш ва қўшимчалар киритиш масалалари ҳал этилишида иштирок этадилар ҳамда Акциядорларнинг-имтиёзли акция эгаларининг шу жумладан, дивидендлар қийматини белгилаш ёки унинг қийматини ошириш(тугатилиш) ёки кўпайтиришда Акциядорлар ҳуқуқини чегаралаб қўйишда овоз бериш ҳуқуқини қўлга киритадилар.

- Акциядорларнинг мажбуриятлари:

- ушбу Уставда кўзда тутилганидек, тартиб, миқдор ва усулларда акциялар қийматини тўлаш;
- ушбу Уставда ва Ўзбекистон Республикасининг амалдаги қонунчилигида белгиланган тартибда жамият бошқарувида иштирок этиш;
- ушбу Уставда кўзда тутилган меъёрларда жамиятнинг бошқарув органлари қарорларига бўйсунуш;
- жамият фаолияти ҳақидаги махфий ахборотларни ошкор этмаслик.
-

9- боб

АКЦИЯДОРЛАР УМУМИЙ МАЖЛИСИНING ВАКОЛАТЛАРИ

Акциядорлик жамиятини — Акциядорларнинг умумий мажлиси, Кузатув Кенгаши ва ижроия органи бошқарадилар.

Акциядорларнинг умумий мажлиси — жамият бошқарувининг Олий органи ҳисобланади. Умумий мажлис қарорлари умумий мажлисда иштирок этган акциядорларнинг-овоз берувчи акциялар эгаларининг кўпчилик овози билан қабул қилинади.

Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

Акциядорларнинг йиллик умумий йиғилиши жамият уставда белгиланган муддатларда, аммо молия йили тугаганидан кейин олти ойдан кечиктирмай ўтказилади.

Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини (тафтишчисини) сайлаш тўғрисидаги, жамиятнинг яккабошчилик асосидаги ижроия органи Бош Директор, ишончли бошқарувчи билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги масалалар ҳал этилади, шунингдек жамиятнинг йиллик ҳисоботи ва бошқа ҳужжатлари кўриб чиқилади.

Йиллик ҳисобот мажлисидан ташқари ўтказилмаган Акциядорларнинг умумий мажлислари иавбатдан ташқари ҳисобланади. Акциядорларнинг умумий мажлиси мажлиснинг кун тартибига киритилмаган масалалар буйича қарорлар қабул қилиш ҳуқуқига эга эмас.

Акциядорлар умумий мажлисининг ўтказилиш санаси ва уни ўтказилиши ҳақида Акциядорларга хабар бериш тартиби, Акциядорларнинг умумий мажлисини ўтказишда ахборотлар (материал) рўйхати жамиятнинг Кузатув Кенгаши томонидан белгиланади. Овозга қўйилган масала бўйича акциядорлар умумий йиғилишининг қарори, жамиятнинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади.

Акциядорларнинг умумий йиғилишида овозга қўйилган, ҳал қилиш чоғида жамиятнинг оддий ва имтиёзли акциялари эгалари бўлган акциядорлар овоз бериш ҳуқуқига эга бўладиган масала юзасидан овозларни санаб чиқиш овоз берувчи акцияларнинг барчаси бўйича биргаликда амалга оширилади.

Акциядорлар умумий йиғилишининг ваколат доирасига қуйидагилар киради:

- жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;
- жамиятни қайта ташкил этиш;
- жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;
- жамият кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- эълон қилинган акцияларнинг энг кўп миқдорини белгилаш;
- жамиятнинг устав фондиди (устав капиталини) камайтириш;
- жамиятнинг йиллик ҳисоботини тасдиқлаш;
- ўз акцияларини сотиб олиш;

- жамият Бош Директорини сайлаш (тайинлаш);
- жамият тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш;
- жамиятнинг фойдаси ва зарарларини тақсимлаш;
- жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) ҳулосаларини эшитиш;
- Очиқ сотувга қуйилаётган, қиммат-баҳо қоғозларнинг акцияларга айирбошлашда акциядорни ҳуқуқий устунлигини қулланмаслиги тўғрисидаги қарор қабул қилиш;
- Умумий мажлис регламентини (сузга чиқувчилар вақтини) тасдиқлаш;
- Акцияларни булиб юбориш ва бирлаштириш;
- Йирик битимлар тузилиш;
- Уставда ва қонунчиликда кузда тугилган бошқа масалаларни ҳал этиш.

9.11. Акциядорлар умумий мажлисининг алоҳида ваколатларига киритилган масалалар жамиятнинг ижроия органи томонидан ёки жамиятнинг Кузатув Кенгаши томонидан ҳал этиш учун утказилиши мумкин эмас.

Акциядорларнинг умумий йиғилиши томонидан қабул қилинган қарорлар, шунингдек овоз бериш яқунлари қабул қилинган санадан эътиборан ўттиз кундан кечиктирмай акциядорлар эътиборига етказилади.

Акциядорларнинг умумий йиғилишида иштирок этиш ҳуқуқи акциядор томонидан шахсан ёки унинг вакили орқали амалга оширилади. Акциядорнинг вакили акциядорларнинг умумий йиғилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига оид маълумотлар) бўлиши лозим.

Акциядорларнинг умумий йиғилишини ўтказиш тўғрисидаги хабар жамиятнинг расмий веб-сайтида, оммавий ахборот воситаларида эълон қилинади, шунингдек акциядорларга электрон почта орқали юборилади.

Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида етти кундан кечиктирмай, лекин узоғи билан ўттиз кун аввал етказилади.

Акциядорларнинг умумий мажлиси утказилиши ҳақидаги хабарда қуйидагилар булиши лозим:

- жамиятнинг номи, жойлашган ери (почта манзили) ва электрон почта манзили, акциядорлар умумий мажлисининг ўтказилиш санаси, вақти ва жойи;
- умумий йиғилиш ўтказиладиган сана, вақт ва жой;
- жамият акциядорларининг реестри шакллантириладиган сана;
- умумий йиғилиш кун тартибига киритилган масалалар;
- умумий йиғилишни ўтказишга тайёргарлик кўрилаётганда акциядорларга тақдим этилиши лозим бўлган ахборот (материаллар) билан акциядорларни таништириш тартиби.
- Умумий мажлисни ўтказишга тайёрлашдаги Акциядорларга керак бўладиган ахборот (материалларга) жамиятнинг йиллик ҳисоботи, жамият тафтиш комиссияси (тафтишчи)нинг ва жамиятнинг молиявий-ҳўжалик фаолиятини йиллик текширув натижаларига оид жамият аудиторининг ҳулосаси, жамиятнинг Кузатув Кенгашига ва жамиятнинг тафтиш комиссияси (тафтишчи)га номзодлар ҳақидаги маълумотлар, Уставга киритиладиган қўшимча ва ўзгартиришлар лойихаси ёки янги тахрирдаги жамият Уставининг лойихаси киради.
- Жамият овоз берувчи Акциядорнинг умумий миқдори бир фоиздан кам булмаган қисмига эгалик қилувчи жамиятнинг Акциядори жамиятнинг молиявий йили

тугашидан кейинги 50 кундан кечикмаган муддатда Акциядорларнинг йиллик умумий мажлиси кун тартибига масалалар киритиш ҳамда жамиятнинг Кузатув Кенгашига ва тафтиш комиссиясига номзодларни курсатиш ҳуқуқига эга бўлиб, уларнинг сони бу органларнинг миқдорий қийматидан ошиб кетмаслиги керак.

- Акциядорлар умумий мажлисининг кун тартибига киритиладиган масала ёзма равишда берилиб, унинг қўтарилиш сабаблари, масалаларни киритувчи Акциядорнинг номи, унга тегишли акцияларнинг сони ва турлари кўрсатилади.
- Акциядорлар умумий мажлисининг кун тартибига киритиш учун Акциядорлар томонидан киритилган масала, шу билан бир қаторда, Кузатув Кенгашига, тафтиш комиссиясига сайловларга овозга қўйилиши учун кўрсатилган номзодлар рўйхати Акциядорлар умумий мажлиси кун тартибига киритилиши лозим бўлиб, қуйидагилар бундан мустасно:
- Акциядор томонидан 9. — моддаларда белгиланган муддатларга риоя этилмаган;
- Акциядор 9.1- моддаларда кузда тутилган миқдордаги жамиятнинг овоз берувчи акцияларига эга эмас;
- 9.19. -моддаларда кузда тутилган маълумотлар тўлиқ эмас;
- киритилган таклифлар қонунчилик талабларига жавоб бера олмайди.
- Акциядорларнинг умумий мажлиси кун тартибига масалани киритишга берилган рад жавоби ёки Кузатув Кенгаши ва жамиятнинг тафтиш комиссиясига сайловлар учун номзодларни рўйхатга киритиш ҳақидаги таклифга, жамият Кузатув Кенгашининг рад этилган қарори масалани кўтариб чиққан ёки таклифни киритган Акциядор (Акциядорлар)га унинг қабул қилинган кунидан бошлаб уч кундан ошмаган муддатда жўнатилади.
- Узрли сабабларга кўра Акциядорларнинг умумий мажлисида иштирок этмаган ёки қабул қилинган бундай қарорга қарши овоз берган ҳолатларда, Акциядор Акциядорларнинг умумий мажлиси қарорига шикоят қилиб, судга мурожаат этиш ҳуқуқига эга.
- Масала Акциядорларнинг умумий мажлиси кун тартибига киритилишига рад жавоби берилганлиги ёки Кузатув Кенгашига сайловлар буйича жамиятнинг тафтиш комиссиясига овоз бериш учун номзодлар рўйхатига киритилишига қарши жамиятнинг Кузатув Кенгашининг қабул қилган қарори судга берилиб, шикоят этилиши мумкин.
- Жамиятнинг Кузатув Кенгаши қарори бўйича узининг шахсий ташаббуси билан, тафтиш комиссиясининг, жамият аудиторининг талаблари асосида, шунингдек, талаб этилаётган кунгача жамият овоз берувчи акцияларининг беш фоиздан кам бўлмаган қисмига эгалик қилувчи Акциядор (Акциядорлар)нинг талабига мувофиқ Акциядорларнинг навбатдан ташқари умумий мажлиси ўтказилади.
- Жамият тафтиш комиссиясининг, жамият аудиторининг ёки жамият овоз берувчи акцияларининг беш фоиздан кам бўлмаган қисмига эгалик қилувчи Акциядор (Акциядорлар)нинг талаблари бўйича Акциядорларнинг навбатдан ташқари умумий мажлиси чақирилиши жамиятнинг Кузатув Кенгаши томонидан, Акциядорларнинг навбатдан ташқари умумий мажлисини ўтказиш ҳақида талаб этилган кундан сўнг, 30 кундан кечиктирмай амалга оширилади.
- Акциядорларнинг навбатдан ташқари умумий мажлисини ўтказилиши ҳақидаги талабномада мажлиснинг кун тартибига киритилиши керак бўлган масалалар, киритиладиган таклифнинг сабаблари кўрсатилиши лозим.
- Жамиятнинг кузатув кенгаши жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизга эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибидagi масалаларнинг таърифига ўзгартишлар киритишга ҳақли эмас.

- Жамиятнинг тафтиш комиссияси (тафтишчиси) ёки жамият овоз берувчи акцияларининг камида беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичида жамият кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишни чақиришни рад этиш ҳақида қарор қабул қилиши керак.
- Жамият тафтиш комиссиясининг (тафтишчисининг) ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра акциядорларнинг навбатдан ташқари умумий йиғилишини чақиришни рад этиш тўғрисидаги қарор қуйидаги ҳолларда қабул қилиниши мумкин, агар:
 - акциядорларнинг навбатдан ташқари умумий йиғилишини чақиришни талаб қилаётган акциядор (акциядорлар) ушбу модданинг биринчи қисмида назарда тутилган микдордаги жамият овоз берувчи акцияларининг эгаси бўлмаса;
 - кун тартибига киритиш учун таклиф этилган масалалардан бирортаси ҳам акциядорлар умумий йиғилишининг ваколат доирасига кирмаса;
 - кун тартибига киритиш учун таклиф этилган масала Қонун талабларига мувофиқ бўлмаса.
 - Жамият Кузатув Кенгашининг Акциядорларнинг навбатдан ташқари умумий мажлисини чакиртириш ҳақидаги қарори ёки курсатилган сабаблар билан унинг чакиртирилишини рад этувчи қарор мажлис чакиртирилишини талаб этаётган шахсга талабноманинг қабул қилинган кундан эътиборан уч кундан кечиктирмай унга жунатилади.
- Акциядорларнинг навбатдан ташқари Умумий мажлиси чакиртирилишини рад этиш ҳақидаги жамият Кузатув Кенгашининг қарори шикоят билая судга берилиши мумкин.
- Ушбу уставнинг белгиланган (9.28. ва 9.30.-моддалар) муддатларида Жамиятнинг Кузатув Кенгаши томонидан Акциядорларнинг навбатдан ташқари Умумий мажлиси чакиртирилиши ҳақидаги қарор қабул қилинмаган булса ёки унинг чакиртирилишига қарши қарор қабул қилинган ҳолатларда, Акциядорларнинг навбатдан ташқари Умумий мажлиси чакиртирилишини талаб этаётган шахслар томонидан амалга оширилиши мумкин.
- Бу ҳолатларда, Акциядорларнинг Умумий мажлисига тайёргарлик ва унинг утказилиши билан боғлиқ сарф-харажатлар Акциядорлар Умумий мажлисининг қарорига кура, жамиятнинг маблағлари ҳисобига қопланади.
- Акциядорлар Умумий мажлисида иштирок этиш учун уларнинг руйхатдан утказилиши яқунланаётган вақтгача жамиятнинг тарқатилган ва урнаштирилган овоз берувчи акциялари умумий микдорининг эллик фоиздан (50%) ортиғига эгалик қилувчи Акциядорлар (уларнинг вакиллари) руйхатдан утган булсалар (овоз берилиши учун етарли кворум) Акциядорларнинг Умумий мажлиси ваколатли ҳисобланади
- Акциядорлар Умумий мажлисини утказилиши учун овозлар етарлича (кворум) булмаса, Акциядорлар Умумий мажлисини утказишнинг янги санаси эълон қилинади. Акциядорларнинг янги Умумий мажлиси утказилишида кун тартиби узгартирилишига йул қуйилмайди.
- Утқазилмай қолингани урнига чакиртирилган Акциядорларнинг янги Умумий мажлиси агар унда иштирок этиш учун руйхатдан утказилиш якунида жамиятнинг урнаштирилган овоз берувчи акцияларининг умумий микдори қирқ фоиздан (40%) кўп булган қисмига эгалик қилувчи Акциядорлар (уларнинг вакиллари) руйхатдан утган булсалар у (мажлис) ваколатли ҳисобланади.

- Акциядорларнинг янги умумий мажлиси утказилиши хақидаги хабар ушбу уставнинг 9.16.-моддасида белгиланган шаклда, унинг утказилиш санасидан бошлаб ун кундан кечикмаган муддатда амалга оширилади.
- Агар акциядорларнинг ўтказилмай қолган йиғилиши ўрнига чакирилган такрорий умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами қирқ фоиздан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг такрорий умумий йиғилиши ваколатли бўлади.
- Акциядорларнинг умумий йиғилишида овоз бериш «жамиятнинг овоз берувчи битта акцияси битта овоз» принципи бўйича амалга оширилади, жамиятнинг кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.
- Акциядорлар умумий мажлисининг баёни икки нусхада, Акциядорлар умумий мажлиси ёпилгандан кейин — 10 кундан кечиктирмай тузилади. Иккала нусха ҳам умумий мажлисда раислик қилувчи ҳамда, умумий мажлис котиби томонидан имзоланади.

Акциядорлар умумий мажлиси баёнида қуйидагилар курсатилади:

- Акциядорлар умумий мажлисининг утказилиш санаси ва вақти;
- жамиятнинг овоз берувчи акцияларига эга бўлган Акциядорларнинг — овозларнинг умумий сони;
- мажлисда иштирок этувчи, овозга эга бўлган Акциядорларнинг сони;
- мажлис раиси (президиум) ва мажлис котиби, мажлиснинг кун тартиби;
- Акциядорлар умумий мажлиси баёнида сузга чикувчилар нутқининг асосий матни, овозга қуйилган масалалар, овоз бериш натижалари, мажлисда қабул қилинган қарорлар акс эттирилиши лозим.
-

10-боб

КУЗАТУВ КЕНГАШИНИНГ ВАКОЛАТЛАРИ

- Жамиятнинг Кузатув Кенгаши Акциядорлар умумий мажлисининг қонунчиликдаги алоҳида ваколатларига киритилган масалаларни ҳал этишдан ташқари, жамият фаолиятига умумий раҳбарликни амалга оширади.
- Кузатув Кенгаши туккиз аъздан ташкил топган, улар бир йил муддатга сайланишади.
- Акциядорлар Умумий мажлисининг қарори бўйича Жамиятнинг Кузатув Кенгаши аъзоларига уларнинг уз вазифаларини бажариш даврида мукофот пули туланиши ва (ёки) Кузатув Кенгаши аъзоси вазифаларини бажариш билан боғлиқ бўлган харажатлар қопланиши мумкин. Бундай мукофотланиш ҳамда харажатларнинг қопланиш миқдори Акциядорлар умумий мажлисининг қарорида белгиланади.
- Жамият кузатув кенгашининг ваколат доирасига қуйидагилар қиради:
- жамият фаолиятининг устувор йўналишларини белгилаш;
- жамият Акциядорларининг йиллик ҳамда навбатдан ташқари умумий мажлисларини чақиртириш;
- акциядорлар умумий йиғилишининг кун тартибини тайёрлаш;
- акциядорларнинг умумий йиғилиши ўтказиладиган сана, вақт ва жойни белгилаш;
- акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;
- ЎРҚ-370 06.05.2014дан 59-моддаси биринчи қисмининг иккинчи хатбошисида назарда тутилган масалаларни акциядорларнинг умумий йиғилиши ҳал қилиши учун киритиш;
- Акциядорлар умумий йиғилишининг қарорига ёки жамият уставига кўра қуйидагилар жамият кузатув кенгашининг ваколат доирасига киритилиши мумкин: жамиятнинг устав фондини (устав капиталини) қўпайтириш масалаларини,

шунингдек жамият уставига жамиятнинг устав фондиди (устав капитални) кўпайтириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш)

- конунчиликда кузда тутилган ҳолатларда жамият томонидан жойлаштирилган акцияларни, облигация ва бошқа кимматбаҳо коғозларни кулга киритиш (сотиб олиш);
- мол-мулкнинг бозор қийматини белгилашни ташкил этиш;
- жамиятнинг Бош Директорини сайлаш (тайинлаш), уларнинг ваколатларини муддатидан илгари тугатиш;
- корпоратив маслаҳатчини тайинлаш;
- жамиятнинг йиллик бизнес-режасини маъқуллаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай маъқулланиши лозим;
- ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботларини эшитиб бориш;
- аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;
- жамиятнинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;
- дивиденд миқдори, уни тўлаш шакли ва тартиби юзасидан тавсиялар бериш;
- жамиятнинг захира фондидан ва бошқа фондларидан фойдаланиш;
- жамият бошқаруви органлари фаолиятининг тартибини белгиловчи ҳужжатларни тасдиқлаш, умумий мажлис тасдиқлайдиган ҳужжатлардан ташқари;
- жамиятнинг даромад ва сарф-харажатлар сметасин тасдиқлаш, унга қўшимча ва ўзгартиришлар киритиш;
- Бош директор томонидан тайёрланган йиллик бизнес-режа ҳисоботини ҳар кварталда тинглаш;
- жамиятнинг филиалларини ташкил этиш ва ваколатхоналарини очиш;
- жамиятнинг шўъба ва тобе хўжалик жамиятларини ва унитар корхоналарини ташкил этиш;
- жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;
- Мол-мулкни олиш ва бериб юборишда йирик битимлар тузиш;
- Ўзбекистон Республикаси “Акциядорлик жамияти ва Акциядорлар ҳуқуқларини химояси” ЎРҚ-370 06.05.2014й. Қонунини 88-боб асосида кўзда тутилган жамият иштирокида манфаотдорлик битимини тузиш;
- жамиятни бошқа хўжалик жамиятларда битим тузиш асосида қатнашиши;
- жамиятнинг корпоратив облигацияларини сотиб олиш ҳақида қарор қабул қилиш;
- “Акциядорлик жамияти ва Акциядорлар ҳуқуқларини химояси” ЎРҚ-370 06.05.2014й. да Қонунда кўрсатилган Кузатув кенгаши компетенцияга киритилган масалалар ечими;

Жамиятнинг Кузатув Кенгаши ваколатларига киритилган масалаларни жамиятнинг ижроия органига, уларни ҳал этиш учун ўтказилиши мумкин эмас.

- Жамиятнинг Кузатув Кенгаши таркибига сайланган шахслар чекланмаган миқдорда қайта сайланишлари мумкин.
- Жамиятнинг ягона ижроия органи аъзолари Кузатув Кенгашига сайланишлари мумкин эмас.
- Кузатув Кенгаши таркибига сайланган шахсларга қуйидаги мажбуриятлар юклатилади:
- жамият манфаатлари йулида уларнинг лавозим вазифаларини сидкидилдан бажариш;

- жамиятга нисбатан содиклик, холислик, одоб билан муносабатда булиб, иш фаолиятида конун-қоидага риоя этиш;
- жамиятнинг умумий мажлиси қарорларини бажариш;
- конунчиликка ҳамда, ушбу уставга биноан жавобгарликни уз буйнига олиш.
- Бу ҳолатларда ва овоз беришда иштирок этмаган ёки қабул қилиниши натижасида жамиятга зарар келтирилган қарорга қарши овоз берган қузатув Қенгаши аъзолари жавобгарликка тортилмайдилар. Агар бир неча шахслар масъул булган ҳолатларда, уларнинг масъулиятлари биргаликда ҳисобланади.
- Қузатув Қенгашига йирик акциялар пакетига эга булган Акциядорлар сайланади. Энг қуп овоз олган номзодлар Қузатув Қенгаши таркибига сайланган ҳисобланадилар Қузатув Қенгаши аъзоси АЖ таркибида ёнлашув тарзида ишлаши ман этилади. Акциядор булмаган шахслар ҳам Қузатув Қенгаши аъзоси булиши мумкин.
- Қузатув Қенгаши туккиз аъздан иборат уз таркибидан қупчилик овоз билан жамият Қузатув Қенгашининг раисини сайлаб олади.
- Жамиятнинг Қузатув Қенгаши Қузатув Қенгашидаги аъзоларининг қупчилик овози билан уз раисини қайта сайлаб олиш ҳуқуқига эга.
- Қузатув Қенгашининг раиси жамият ишини ташкил этади, қузатув Қенгашининг мажлисини чақиртириб, унда раислик қилади, қенгашларда мажлис баёни олиб борилишини ташкил этади, Акциядорларнинг умумий мажлисида раислик қилади.
- Қузатув Қенгаши раисининг йуқлигида унинг вазифаларини Қузатув Қенгаши аъзоларидан бири амалга оширади.
- Жамият Қузатув Қенгашининг мажлислари Қузатув Қенгаши раиси томонидан, унинг шахсий ташаббуси билан, Қузатув Қенгаши аъзосининг, жамиятнинг тафтиш комиссияси ёки аудиторининг, ижроия органининг, шунингдек, жамиятнинг ушбу уставда белгиланган бошқа шахсларнинг талаби буйича чақирилади.

Жамиятнинг Қузатув Қенгаши мажлисларини чақиртириш тартиби Акциядорларнинг умумий мажлисида тасдиқланган ва ушбу уставда ва норматив ҳужжатларда белгиланган.

11- боб

ЖАМИЯТНИНГ ИЖРОИЯ ОРГАНИ

11.1 Жамиятнинг қундалиқ фаолиятига раҳбарлик Акциядорларнинг умумий мажлисида бир йилга сайланадиган ягона ижроия орган (бош директор) томонидан амалга оширилади.

11.2 Жамиятнинг ижроия органи ваколатларига Акциядорлар умумий мажлисининг ҳамда Қузатув Қенгашининг ваколатларига киритилган масалаларидан ташқари, жамиятнинг қундалиқ фаолиятига тегишли барча масалалар киритилади.

11.3 Жамиятнинг ижроия органи Акциядорларнинг умумий мажлисида ҳамда Қузатув Қенгашида қабул қилинган қарорларни бажаради.

11.4 Ижроия органи раҳбари қуйидагиларга ҳақли:

- жамият номидан ишончномасиз фаолият олиб боришга, шу жумладан, бошқа қорхоналар ва ташкилотлар билан ҳамкорлик қилиб, жамият манфаатларини ҳимоя қилишга,
- Акциядорлар Умумий мажлисида тасдиқланган «Акциядорлик жамиятининг ижроия органи ҳақида «ги Уставда қурсатилган чегараларда мулк ва маблағларни сарф қилишга;
- жамият номидан битим (контракт) ва шартномалар, шунинг ичида меҳнат шартномаларини
- тузишга шу жумладан жамият тасдигидан утган қорхона директорлари билан;
- ишончномалар беришга;
- Банкларда ҳисоб ва бошқа рақамлар очишга;
- ходимлар руйхатини тасдиқлашга ва уни тулдиришга;

- жамиятнинг барча ходимлари учун бажарилиши мажбурий булган буйруқлар чиқаришга ҳамда, курсатмалар беришга.

11.5. Жамиятнинг ижроия органини ташкил этиш Акциядорлар умумий мажлисининг қарори бўйича амалга оширилади.

11.6. Жамият ягона ижроия органининг ҳуқуқ ва мажбуриятлари қонунчиликда, қонунчиликнинг бошқа ҳужжатларида ва у билан жамият уртасида тузиладиган узаро шартномада белгиланади.

Шартномани жамият номидан Кузатов Кенгашининг раиси имзолайди.

11.7. Жамият билан жамиятнинг ягона ижроия органи уртасидаги алоқалар қонунчиликда тартибга солиб турилади.

11.8. Жамиятдаги ягона ижроия органи вазифаларини амалга оширувчи шахснинг бошқа ташкилотларнинг бошқарув органларида уринбошлик лавозимларини эгаллашига факат Кузатов Кенгашининг розилиги билан йул қуйилади.

11.9. Жамиятнинг ягона ижроия органи (бош директор) томонидан шартноманинг талаблари бузилган ҳолатларда Акциядорларнинг умумий мажлиси у билан шартномани бекор қилиш ҳуқуқига эга.

11.10. Ягона ижроия орган узининг ҳуқуқи ва лавозимига тааллуқли вазифаларни амалга оширишда жамият манфаатларидан келиб чиққан ҳолда ҳаракат этиши лозим.

11.11. Ягона ижроия орган қонунчиликка биноан жамият олдида жавобгарлик масъулиятига эга.

11.12. Ижроия орган жорий йил учун Кузатов Кенгаши томонидан тасдиқланган жамиятнинг даромад ҳамда, сарф-ҳаражатлар сметаси доирасида миллий валютада фаолиятни амалга оширади ва зарурий ҳолатларда, тасдиқланган смета доирасида маблағларни қайта таксимлайди ва бу ҳақда Кузатов Кенгашини хабардор этади.

11.13. Ижроия орган Кузатов Кенгашининг розилиги билан сарф-ҳаражатлар сметасини ошириши мумкин бўлиб, сарф-ҳаражатлар сметаси Кузатов Кенгашининг розилигисиз оширилган ҳолатларда бу ҳаражатлар учун у жавобгар бўлади.

12- боб

ЖАМИЯТНИНГ МИНОРИТАР АКЦИЯДОРЛАРИ ҚЎМИТАСИ

12.1 Миноритар акциядорларнинг ҳуқуқлари ва қонуний манфаатларини ҳимоя қилиш мақсадида жамиятда уларнинг орасидан миноритар акциядорларнинг қўмитаси ташкил этилиши мумкин.

12.2 Миноритар акциядорлар қўмитасининг аъзоларини сайлашда акциядорларнинг умумий йиғилишида ҳозир бўлган ва жамият кузатов кенгашига номзодлар кўрсатмаган ёхуд акциядорларнинг ўтказилаётган умумий йиғилишида кузатов кенгашига номзодлари сайланмаган акциядорлар иштирок этади.

12.3 Миноритар акциядорлар қўмитасининг таркибига жамиятнинг Бош директори, шунингдек жамиятнинг кузатов кенгашига ва тафтиш комиссиясига (тафтишчиси этиб) сайланган шахслар кириши мумкин эмас.

12.4 Миноритар акциядорлар қўмитасининг қарорлари оддий кўпчилик овоз билан қабул қилинади. Миноритар акциядорлар қўмитасининг мажлислари унинг миқдор таркибига сайланган шахсларнинг камида тўртдан уч қисми ҳозир бўлганда ваколатлидир.

12.5 Миноритар акциядорлар комитети компетенцияси, тартиби ва иш фаолияти миноритар комитет Устави ва қонунчилик асосида юритилади.

13-боб

ТАФТИШ КОМИССИЯСИ

13.1 Жамиятнинг молиявий-ҳужалиқ фаолияти текширилишини амалга ошириш учун жамиятнинг ушбу уставига биноан, Акциядорлар ичидан, уч аъзодан иборат тафтиш комиссияси жамиятнинг умумий мажлисида бир йил муддатга сайланади. Айти бир шахс

айни бир жамиятнинг тафтиш комиссияси таркибига (тафтишчиликка) кетма-кет уч мартадан ортиқ сайланиши мумкин эмас.

13.2 Жамият тафтиш комиссиясининг ваколатлари қонунчиликда ҳамда, жамиятнинг ушбу уставда белгиланади.

13.3 Жамият тафтиш комиссиясининг фаолият этиш тартиби Акциядорларнинг умумий мажлисида тасдикланадиган Уставда белгиланади.

13.4 Жамиятнинг молиявий-хужалик фаолиятини текшириш (тафтиш этиш) тафтиш комиссиясининг ташаббуси билан, Акциядорлар умумий мажлисининг, Кузатув Кенгашининг қарорига қура ёки жамият овоз берувчи акцияларининг умумий миқдори 5 % дан кам бўлмаган қисмига эгаллик қилувчи Акциядор (Акциядорлар)нинг талабларига биноан йиллик фаолият натижаларига асосан ёки бошқа давр учун амалга оширилади.

13.5 Жамиятнинг тафтиш комиссияси талабига қура, жамиятнинг бошқарув органларидаги мансабдор шахслар молиявий-хужалик фаолият ҳақидаги маълумотларни унга беришга мажбурдирлар.

13.6 Жамиятнинг тафтиш комиссияси амалдаги қонунчиликка биноан Акциядорларнинг навбатдан ташқари умумий мажлиси чакиртирилишини талаб этиш ҳуқуқига эга.

13.7 Жамият тафтишчиси ёки тафтиш комиссиясининг аъзолари бир вақтнинг ўзида жамият кузатув кенгашининг аъзоси бўлиши, шунингдек айна шу жамиятда меҳнат шартномаси (контракт) бўйича ишлаши мумкин эмас.

14-боб

ФИЛИАЛЛАРНИ, ВАКОЛАТХОНАЛАРНИ, ШУЪБА ВА ҚАРАМ ЖАМИЯТЛАРНИ ХАМДА ҚОРХОНАЛАРНИ ТУЗИШ ВА УЛАРНИНГ ФАОЛИЯТ ЭТИШ ТАРТИБИ

14.1 Жамият филиаллар тузиш ва ваколатхоналар очиши мумкин. Улар жамият томонидан тузилган мулкларга шериклик қилиб, унинг томонидан тасдиқланган Уставга мувофиқ фаолият олиб борадилар.

Филиал ёки ваколатхонанинг раҳбари жамият томонидан тасдиқланади ва жамият томонидан берилган ишончнома асосида фаолият олиб боради.

Филиал ва ваколатхона фаолияти учун уни тузган жамият жавобгарлик масъулиятига эга. Филиаллар ва ваколатхоналар ҳақидаги маълумотлар жамият Уставига киритилади.

14.2 Жамият акциядорлик жамияти ёки масъулияти чекланган жамият шаклидаги шўъба ва тобе хўжалик жамиятларига эга бўлиши мумкин. Шўъба хўжалик жамияти ўзининг асосий жамияти мажбуриятлари юзасидан жавобгар бўлмайди.

14.3 Асосий жамият айби билан шўъба, қарам қорхона келгуси фаолият учун яроқсиз, банкрот ҳолатига тушиб қолган бўлса, шўъба, қарам қорхонанинг банкротлиги асосий жамиятнинг айби билан мажбурий кўрсатмалари асосида содир этилган ҳолатларда, унинг қарзлари туланишида асосий жамият маблағ (пул) билан таъминлаш масъулиятини ўз зиммасига олади.

Агар асосий жамият ўзининг ҳаракатлари натижасида шўъба қорхонанинг келгуси фаолият учун яроқсиз (банкротлилик) ҳолатига тушиб қолишини олдиндан била туриб, ўзининг ҳуқуқ ва имкониятларидан фойдаланган ҳолда фақат ўзининг мақсадлари йўлида у томондан содир этилган ҳаракатлардагина асосий жамият айбли ҳисобланади.

14.4 Филиал ёки ваколатхонанинг бошқарилиши жамият томонидан тайинланган, белгиланган тартибда расмийлаштирилган ишончнома орқали унинг ишларини идора этиш учун ваколат берилган раҳбар томонидан амалга оширилади.

14.5 Филиаллар ва ваколатхоналар ҳақидаги маълумотларнинг тузилиши ва уларнинг ўзгартирилиши ушбу Уставда ақс этирилиб, қонунда белгиланган тартибда рўйхатдан қтказилади.

15-боб

ЙИЛЛИК ХИСОБОТЛАРНИ ТЕКШИРИШ ХАМДА УЛАРНИ ТАСДИҚЛАШ ТАРТИБИ.

15.1 Жамият бухгалтерлик ҳисобга олиб бориш муолажаларини амалга ошириб, қонунчиликда белгиланган тартибда молиявий ҳисоботлар топширишга мажбурдир.

15.2 Жамиятдаги бухгалтерлик ҳисобининг ахволи ва унинг ишончлилигича, ҳар йиллик ҳисоботларни ва бошқа молиявий ҳисоботларни шунингдек, Акциядорларга, кредиторларга ҳамда, оммавий ахборот, воситаларига бериладиган жамиятнинг фаолияти ҳақидаги маълумотларни ўз вақтида тегишли органларга топширилиши ташкил этилиши учун қонунчиликка биноан ижроия орган жавобгардир.

15.3 Жамиятнинг йиллик иш натижаларн бўйича Акциядорлар умумий мажлиси ҳисоботидаги, бухгалтерлик балансидаги фойда ва зарарлар ҳисоботидаги маълумотларнинг ишончлилиги жамиятнинг тафтиш комиссияси томонидан тасдиқланган булиши лозим.

15.4 Кўрсатилган ҳужжатлар чоп этилишидан олдин, йиллик молиявий ҳисоботларни ҳар йиллик текширувдан ўтказиш ва уларни тасдиқлатиш учун жамият ва унинг акциядорлари билан мулкый манфаатлари бўлмаган аудиторни жалб қилади.

15.5 Жамиятнинг йиллик ҳисоботи Акциядорларнинг йиллик умумий мажлиси ўтказилиш санасидан 30 кундан кечиктирилмаган муддат мобайнида кузатув Кузатув Кенгаши томонидан олдиндан тасдиқлатиб олинishi лозим.

15.6 Жамиятнинг молиявий-хўжалик фаолиятини текшириш солиқ, ҳамда молиявий органлар ва бошқа давлат органлари томонидан уларнинг ваколатлари доирасида, шунингдек зарурий ҳолатларда аудиторлик хизматлари томонидан, улар билан тузилган шартномалар асосида амалга оширилади.

16-боб

КЕЛИШМОВЧИЛИК МАСАЛАЛИРИНИ ХАЛ ЭТИШ.

16.1. Акциядорлар ўртасидаги жамият ишларига оид ҳар қандай тортишувлар, бахslashувчи томонларнинг розилиги бўйича Кузатув Кенгаш ёки Акциядорларнинг умумий мажлиси томонидан хал этилади.

Келишмовчилик масалалари бўйича жамиятнинг ҳуқуқий ва жисмоний шахслар билан ўзаро мунозаралари тегишли ёки бунга ваколатлари бўлган органларда кўриб чиқилади.

17-боб

ЖАМИЯТНИНГ ТУГАТИЛИШИ ВА ҚАТА ТАШКИЛ ЭТИШ ТАРТИБИ.

17.1. Жамият қуйидаги ҳолатларда тугатилиши мумкин:

- Акциядорлар умумий мажлисининг қарори бўйича.
- Суд қарори билан.

Бу ҳолатларда умумий мажлис томонидан жамият тугатувчиси (тугатиш комиссияси) тайинланади ва унга жамиятнинг бошқариш ваколатлари ўтади. Тугатувчи жамият номидан судга қатнашади.

17.2. Жамиятнинг тугатилиши ҳақида қабул қилинган қарорни тугатувчи (тугатиш комиссияси) матбуот органларида жамият тугатилиши ҳамда, унинг кредиторлари томонидан талабларни баён этиш тартиби ва муддати ҳақидаги хабарларни эълон қилади. Бу муддат тугатилиш ҳақидаги хабар эълон қилинган вақтдан бошлаб икки ойдан кам бўлмаслиги керак.

17.3. Тугатувчи жамиятнинг тугатилиши ҳақида, шунингдек унинг кредиторлари томонидан талабларни баён этиш тартиби ва муддатлари тўғрисида қонун ҳужжатларида белгиланган тартибда оммавий ахборот воситаларида эълон беради. Кредиторлар томонидан талаблар тақдим этиш учун муддат жамиятнинг тугатилиши тўғрисидаги хабар эълон қилинган санадан эътиборан икки ойдан кам бўлмаслиги лозим.

17.4. Жамият тугатилиши тўғрисидаги қарор қабул қилинаётган вақтда кредиторлик қарзлари бўлмаса, унинг мол-мулки Ўзбекистан Республикасининг «Акциядорлик жамиятлари ва акциядорлар ҳуқуқларини химоя қилиш тўғрисидаги» қонунининг 100-моддасида белгиланган тартибда тақсимланади.

- 17.5. Кредитлар томонидан талабларни қўйиш учун белгиланган муддат тамом бўлганидан кейин, тугатиш комиссияси оралиқ тугатиш балансини тузади, бу баланс тугатилаётган жамият мол-мулкининг таркиби кредиторлар қўйган талаблар-рўйхати шунингдек уларни вараб чиқиш натижалари тўғрисидаги маълумотларни ўз ичига олади.
- 17.6. Оралиқ тугатиш баланси тугатилаётган жамият акциядорларининг умумий йиғилиши томонидан тасдиқланади.
- 17.7. Агар жамият ихтиёридаги пул маблағлари кредитларнинг талабларини қондириш учун етарли бўлмаса, тугатиш комиссияси жамият мол-мулкини очик савдо орқали қонунда белгиланган тартибда суд қарорларини ижро этилишини таъминлайди.
- 17.8. Ўзбекистан Республикаси фуқаролик кодексининг 56 моддасига биноан, тугатилаётган жамиятнинг кредиторларига пул маблағларини йўллаш (тўлаш) белгиланган тартибда навбати билан оралиқ тугатиш баланси тасдиқланган кундан бошлаб тўланади.
- 17.9. Кредиторлар билан ҳисоб-китоблар тулаганидан кейин тугатувчи тугатиш балансини тузади, тугатиш баланси тугатилаётган жамият акциядорларининг умумий йиғилиши томонидан тасдиқланади.
- 17.10. Ўзбекистан Республикасининг «Акциядорлик жамиятлари ва акциядорлар ҳуқуқларини химоя қилиш тўғрисидаги» қонунининг 100-моддасида белгиланган тартибда қарздорларнинг талабларини қаноатлантиришдан кейин қолган жамиятнинг мол-мулки тақсимланади.
- 17.11. Жамиятни тугатиш, шунингдек жамият фаолиятини тугатилган деб ҳисоблаш, шу турдаги юридик шахсларни давлат рўйхатига олишнинг ягона реестрига киритилгандан кейингина ҳисобланади.
- 17.12. Акционерларнинг умумий мажлиси қарорига биноан, жамиятни қайта ташкил этиш, қўшилиш, бирлашиш, бўлиниш ва ажралиб чиқиш мумкин. Қўшилиш, бирлашиш, бўлиниш, ажралиб чиқиш ва қайта ташкил этилишлар қонун билан белгилаб қўйилган ҳолларда ваколатли давлат идораларининг (органлари) розилиги билан амалга оширилиши мумкин.
- 17.13. Жамиятнинг қўшилиш формасида қайта ташкил этилиш ҳолларидан ташқари, янгидан ташкил этилган юридик шахсларни рўйхатга олиш давлат реестрига киритилган пайтдан бошлаб, қайта ташкил этилган ҳисобланади.